

興國縣志卷之二十二

名宦

宋

程珣字伯温舊名温字君玉河南人慶歷甲申以大理寺丞知虔州興國縣事邑之衣錦鄉夙稱難治前令欲以威懾之多未馴珣善告諭勸化與他鄉一視遂信服焉在邑幾二年而獄空者歲餘江西狡民善為贖券爭人田旁邑有訟積十餘歲不能決部使者以委珣根連證佐囂然盈庭珣獨呼爭者前詰之不十數語盡得其情事決於頃刻間人以為神移知龔州累遷大中大夫

興國縣志

卷二十二

名宦

一

封永年縣伯珣慈恕而剛斷居官臨事孜孜不倦温恭待下率以清慎所至寮屬無敢有貪縱者在虔時嘗假粹南安軍獄掾周惇頤年甚少不為守所知珣視其氣貌非常人與語果為學知道者因與為友命二子顥頤師事之濂洛之傳實開先於興國云

參伊川集大中家傳宋史程顥傳郡

縣舊志

留正字仲至福建永春人淳熙中由進士知縣事下車首詢民瘼拊摩仁字然不事姑息謹法度愛名器境內稱平後刺贛州恩威並著既為相請蠲贛上供米萬有八千石守正不阿人不敢干以私進封魏國公諡忠宣

郡縣  
舊志

張尙瑗曰留忠宣公正常知贛州而贛郡及興邑兩志皆謂其初知興國考之宋史本傳無有也或謂志詳而史畧史之失載容有之然宏治中曾選核定名宦泰和劉鴻作記有宋則程侯珦莊侯夏何侯時不及留正後得袁天騏成化間所輯志於宦蹟則曰程珦雷豐莊夏何時亦不及正憲孝兩朝去古未遠逮末造而忽添入則正之列於興國名宦者亦得無恆卿所傳會而鳳渚之訂譌偶未察耶至莊忠敏公夏始判縣簿繼知縣事宋史載知興國縣時上封事之

興國縣志

卷二十二

名宦

二

書信而有徵而蔡志獨闕宜有者反失之矣論古以國史爲衡不容遺議

按志林削留正傳徒以成化宏治間未祀名宦耳此等辨證祇可存以備考蔡志贛郡謝志安知不亦於正德丙子之邢志嘉靖丙申之董志耶抑或別有所

據耶今從孔志訂入

蔣志

雷豐建昌盱江人事母至孝由科選歷仕湖湘熙中知縣事謹慎清儉勤政務興學校士服其教民懷其德

立生祠祀之

蔡志

莊夏字子禮福建牙石人

熙辛丑進士初判興國簿

慶元己未知縣事永豐民孫六毆妻妻自剄死夜舁屍  
興國田中宣言盜自興國掠殺夏往視六家土屋繩樞  
妻則蓬頭突頂乃詰之曰盜何利而劫掠及汝乎六語  
塞自是民不敢欺好獎拔士類加意庠序嘗節浮費新  
縣治役興於上斂不及下却添給錢九十餘萬爲下戶  
代輸逋欠五十三萬餘盡以給公役庚申大旱詔永直  
言夏由興國上封事曰君者陽也臣者陰也今威福下  
移此陰勝也積陰之極陽氣散亂而不收其應爲火災  
爲旱蝗願陛下體陽剛之德使後宮戚里內省黃門思  
不出位此抑陰助陽之術也召爲太學博士累官兵部

興國縣志

卷二十二

名宦

三

侍郎煥章閣待制卒諡忠敏夏立朝敢言嘗言官不久  
任一人而歲三易節一歲而郡四易守民力何由裕又  
言屯田可成冗兵宜汰詳宋史本傳中興民懷其德繪  
像學宮祀之

志林

蔡志學字及之新昌人登淳祐進士判興國簿清操不  
撓剖斷如流遷泰和令歷知高郵州嘗題水府廟云平  
生事可對人說囊無一分關節錢寄語江神明著眼好  
分風力送歸船讀其詩可知其人已

贛郡謝志

何時字了翁樂安人與文丞相天祥同第進士咸淳八  
年以宣教郎知興國縣以才識操守著聲衣錦鄉僻遠

梗化卽其地建安湖書院錄生員二十八人拔四人爲之長講肄課試月有章程已又秩其比伍家使有塾人使有師置進學日記躬督之於是教化大行風俗爲之一變從天祥勤王聚兵財運軍需達衢信間天祥奏除知撫州江西陷時家居天祥兵趨興國以時帶行卿監江西提刑聚兵復崇仁縣未幾元軍奄至兵敗脫走變姓名號堅白道人賣卜嶺南數年乃歸病卒

參宋史本傳督府忠

義傳郡縣舊志

明

唐子儀名文鳳以字行徽州歙縣人洪武中辟教紫陽

興國縣志

卷二十二

名宦

四

書院以文學徵知興國縣事教民力本務農嘗郊行躬勸勞之喜造士日有程課寒暑不輟搜覽山川名蹟多所題詠翰墨之留於舊乘者一人而已擢趙王府紀善

卒 志林

陳連福建莆田人由鄉貢正統初任清勤不懈多惠政

長信里堰塘連所修築也以母喪去民走訴上僚挽留

之得請於朝服闋再任三載

袁蔡二志合輯

林鈍字叔魯福建閩縣人正統間由鄉舉任興國教諭

有學行晨聚諸生於講堂相與闡明正學或至夜分乃

罷邑士禮經有傳自鈍始疾卒門人悲慕祠之

蔡志

章廷圭字文瑞南直石埭人貢士成化八年任以興學  
勸農爲首務邑素多強梁跋扈廷圭明禮嚴分以防閑  
之歲辛丑寇躡鄰封將及境廷圭聚選丁壯教以武畧  
寇不敢犯有甲乙相構而甲病死者昇屍以誣乙瘞之  
於庭不久且爲厲乙家暴死者三人廷圭廉得誣狀治  
甲罪而大書下民作孽上帝好生八字揭於乙庭厲遂  
熄邑有牛牯陂澮高不能通水廷圭相度水勢改上流  
二里許鑿石濬渠引水自蘇陂至竹壩延袤二十里改  
名永利歲增穀數千石郡守姜連旌其賢齎以酒幣時  
適營燕寢成因名適綵堂自爲記遷衡州同知補贛郡

興國縣志

卷二十二

名宦

五

復以殄寇著績

袁蔡二志合輯

達泰浙江麗水人舉人成化中知縣事廉慎剛果上下  
允孚時流寇方桀肆於鄰適霍雨城圯民岌岌將及泰  
并力修葺不踰時繕完寇不敢近以病卒於官士民立

祠焉

蔡志

曾選字時舉直隸懷寧人宏治十八年任重師儒勤考  
課豪右畏其威良善懷其德

蔡志

按舊志選於宏治八年任今據劉鴻賢令祠記訂正  
于旺山東武定人正德間爲金壇典史遷興國王簿王  
文成公才之檄監兩關鹽權民稱便值宸濠之變從征

有功進階一級

蔡志

盧<sub>六</sub>字忠獻號冠巖廣東南海人嘉靖甲辰進士初令崑山下未改知興國設匾於門務求已過察民隱縣有浮糧千六百石民苦賠累多逃竄<sub>六</sub>毅然履畝清丈正經界而平等則民力稍舒其他興革悉當人心當道有難鞫事必諮焉所條陳數章皆可為後世法程勸課諸生俾貧士得就學業遷潼川州守尋擢南部員外士民思慕留其冠履肖像縣治右祠之仕終登州知府

董天錫碑

參象章書

海瑞字汝賢號剛峯廣東瓊山人由己酉鄉舉為南平

興國縣志

卷二十二

名宦

六

教諭進瀘安縣令忤鄆懋卿考滿當陞既給繇仍從故秩調興國邑故瘠薄歲賦不登民苦浮糧乃上八議於贛撫吳百朋次第請行尤獨急清丈舊令盧<sub>六</sub>著清丈事宜諸議瑞畧仿其法而精思強力過之定弓步釐冊號審田形核糧數丈明則歸冊冊正則歸糧擇老人為公正而嚴其賞罰務絕飛詭諸弊身自履畝巡勘寢食半在疆畝間逾年丈勘遂畢縣例僉糧戶之富者當柱頭公私用度皆取焉至是革除張魁張豹者南昌尚書鏊族子也以市木凌轢山戶瑞執而按之鏊致書求解不聽則更託巡道反其獄瑞詣贛撫力爭終伏法縣機

兵額五百五十二名贛撫調三百赴營團操又核減餉費裁百二瑞以邑險而遠一旦寇警不可禦力請留之贛信豐二衛屯軍其田取給各縣永樂中興國撥屯九百九十九分每分田三十畝宏治以後爭訟漸滋邑故多荒土民所墾者軍輒攘之瑞立議欲革軍止存佃田之人以軍田補民之賠累而輸納并於縣官事竟不行又上便宜五事謂軍門柴馬俸糧之外不宜以一毫微派里中院衙內班更換遞漏消耗請嚴加防範縣官親民非至不肖無不爲民者上僚每事須責成之不可掣其肘其言深切姪直百朋不以爲忤嘗言縣官雖知一

興國縣志

卷二十二

名宦

七

縣待上接下各有正道若謂止可潔已不及潔人潔人生謗是以鄉愿自待以鄉愿待人欺莫甚焉課民於縣南植松以護水口號萬松壩少宰朱衡素欽其勁節苦操言於冢宰嚴訥歲餘內遷戶部主事以直言天下第一事忤世宗下獄論死穆宗立乃釋之直聲動天下累官南吏部侍郎卒贈太子少保賜諡忠介嶺北副使龔道立檄建專祠於興國春秋祀之著有全集及治興遺文皆刻於邑中今不可考

志林

張尙瑗曰有明諫臣敢冒死指斥乘輿者海剛峯而外可屈指者無幾海內間井婦豎皆能言其名自龔

州空甫鏡山三先生所作傳述其危言戇節醇疵互見獨於令興國無聞焉剛峯治興之日淺興之遺老祇以得海公爲榮而不能指其行事登諸志乘寥寥耳予閱備忘集本梁中丞雲龍所撰行狀及一二文告奏記摘取而條貫之得政績三數端因并述其去來本末以爲海興國傳吳虔撫堯仙朱少宰鎮山汪度容物冰鑑恤才挽之推之終使得行其志以成就後日之功名向微此二賢剛峯將不安於興國或竟以興國終未可知視夫掣肘於單父毀言於卽墨者能不爲剛峯慶遇合哉

興國縣志

卷二十二

名宦

八

按安中丞江西通志載瑞爲涪安令轉嘉興通判未行以伉直忤部使者意摭他事謫調興國縣與郡縣舊志合白志據明史稿謂瑞調湖廣興國州判官非贛州興國縣令反以安志爲附會謝志謂白志失考仍從安志而以所陳八議爲證蓋八議所言皆興國事也今考安志本傳悉據贛郡謝志中有云辛酉兵燹之後閭閻十室九空瑞至勞來安集漸復舊業又云懸賞捕盜捐俸修學又云插杉以興民利蔡黃二志則言其嘗作規士勸農文以戒諭與人而志林皆未之及然則忠介治興實政其所遺佚者多矣亟宜



備錄以補舊志之闕

蔣志

何應彪字闇然浙江慈谿人由鄉舉司教天台士服其化有馴鶴之異萬歷中知縣事作興士類恤孤存獨燭偽造印信之奸豪右懾服從形家言修西山塔建文昌閣以培風氣安湖書院既移建北關至是久圯應彪立名賢祠以續肝鬲焉遷滄州守去士民作鴻飛書院祀之

蔡志  
志林

王芮字君生浙江慈谿人萬歷中以鄉舉任仁心爲質催科不煩而民樂輸將文移必躬自裁決一秉公慎人不敢干以私居官五載始終廉謹勿替遷通州守去士

興國縣志

卷二十二

名宦

九

民合祀於鴻飛書院

蔡志  
志林

吳宗周字熙偉號嶼梅福建南安人萬歷間由鄉舉知縣事激濊二水自城北合流過縣南不半里小匯於龍王潭水勢澶漫舊爲浮梁以濟歲久圯壞議易以石輒以費不支而止宗周至慨然捐俸經始士民爭出貲助之醮水道爲六結石址者七修數百武廣四軌計費數千緡鳩工於萬歷癸丑之冬至乙卯秋規模備焉吉水鄒給諫元標爲之記宗周以是冬入覲遷秩蔡鍾有繼至歲丁巳復翼以亭欄楯完具雄麗稱於嶺北先是童謠云若要龍橋興須待福安人宗周籍南安鍾有同安

皆符其兆宗周在興勤恤民隱閭里役轉輸之艱委民代解定為成規照糧幫貼使解官無路費不支之苦而里排無頻年賠累之嗟又買田數十畝以資軍黃二冊解費設白沙渡民不病涉徙官後縣中為長春臺志去思焉

黃志  
志林

蔡鍾有字恆卿福建同安人萬歷末由鄉舉知縣事嫻於吏職能得物情邑中僑戶多桀黠喜訟不得逞則更託他籍或一人而三四籍者徧控於其地關提淆亂熒惑耳目視必不勝之處則堅匿不赴既受拘復截奪於路以為常鍾有請於上僚痛釐治之永樂中屯田至成

興國縣志

卷二十二

名宦

十

宏間漸蕪府檄召民墾荒給帖為業已墾者軍復爭之前令何應彪盛陳刁軍害民虔撫李汝華深然之未久復爭郡守金汝嘉頗庇軍鍾有條陳原委言多切中汝嘉不能奪輯縣志為類十有三為卷七手自編纂焚膏矻矻迄今文獻不墜者鍾有之力也

黃志  
志林

國朝

柴震龍山東人順治丙戌由貢生知縣事吏治精敏時羣賊蜂屯各寨知縣政令止行於城中戊子二月十八日王大勇宋朝宗合賊黨數千攻城旬日城破縛震龍并擄其妻陸氏行至君子嶺震龍曰予待罪於興經三

載不能守民社應死其釋予縛以謝

君恩望北四拜拜畢遂遇害全家皆罹難雍正元年奉

查死節諸臣入祀名宦

參黃志  
孔志

王璋字豐年浙江人以掾吏起家康熙丙午由寧波府經歷遷授精強有幹才縣舍自戊子燬於兵璋始構材飭廳事政治多所興釐已酉部議安插閩海降兵蔡璋以屯墾來邑中璋條請贛守孔興訓按籍授田析置諸鄉俾不得聚處合勢卒伍有宥法者按律繩之皆斂戢不敢動以鹽政呈悞去壬癸間屯弁朱明等應耿逆之變煽起為寇驛騷者數年故老皆言使王侯毋去職或

興國縣志

卷二十二

名宦

十一

有以弭其機牙也

林志

黃惟桂字木菴直隸真定人以選貢領京兆薦授興國令康熙丙辰春至江西上事滇逆吳三桂將韓大任寇據吉安道梗不能達巡撫佟國禎留之軍前督餉歲餘始從間道履任時邑中罹寇已四載矣先是海孽鄭經之餘部來歸屯墾於興甲寅閩變應亂者凡十三寨里巷不逞之民螳聚蜂屯共二十八寨而大任部曲邱興祐據泰和之浪川寨去興國均村不二十里寇鈔皆在西鄙惟桂招懷攜貳謹扞擷豫儲待不逞寢食其冬大任戰敗殘寇竄入寧都萬安瑞金間皆假道興境惟桂

率民兵登陴戒嚴幸不至城下賊去則官兵之躡賊者  
至前後數四牲醴犒賚得其歡心其先留軍中時與統  
軍復相習故官兵往來皆約勒無諱於是悍民之蟠踞  
諸寨者相次解散乃上勦撫機宜於將軍巡撫皆得請  
遂先撫寶石次撫浪川又次撫鯉公鯉婆諸寨皆降獨  
崖石寨朱明狡惡負固乃陳狀於宣義將軍尙之義重  
兵困之四閱月始自縛下山凡撫賊三萬餘人之義國  
禎以疏聞陞賞有差而主其策者惟桂也方諸寨就撫  
梁山寨楊元真緣隙謀窺城惟桂偵知之預請兵搗其  
穴元真走追戮於泰和之虎爪坪而三關寨以受韓逆

興國縣志

卷二十二

名宦

三

故之義欲屠之惟桂力解得免自丁巳三月上事至己  
未九月三載皆在兵間值山水暴漲齧城繼以旱災發  
倉賑饑祈霖禳疫備嘗艱瘁寇沴漸平乃議興學校北  
郭文廟自鼎革初燬於兵瓦礫者四十五年士民皆踴  
躍襄助經歲落成海忠介公瑞課民於春口壩種松號  
萬松壩啟禎間里民毀壩壅水規其利爲諸田數十頃  
惟桂毅然修復濬其壅而填其毀民頑弗卽工則芟舍  
其上躬自督程讞決催科皆赴是焉經月而水道復故

甲子春陞貴州永寧知州

志林

以上俱祀名宦

按舊志祀名宦者二十二人與未祀名宦之人並載官師志今秩官以令丞簿尉爲次名宦則以列祀典者居前其舊志有傳而未獲崇祀者按年代先後編次如左

蔣志

宋

徐師回嘉祐間以殿丞任時趙清獻抃知虔州贈以詩有人蒙百里惠花見四年春之句元豐中知南康軍

參通

志郡

按師回知興國時治績無可考趙清獻贈詩全篇載藝文據詩言花見四年春似當是嘉祐三年蒞興至

興國縣志

卷二十二

名宦

三

六年清獻知虔州乃遷任去也師回知南康軍時嘗植八杉於堂謂吾欲守節如此杉之直蘇子由爲之記後朱子至求其遺跡不存因以直節名堂誌嚮往焉然則後之蒞興者讀報政方山百里蒙惠之句其嚮往又當何如也

蔣志

周世修字純德玉山人宣和三年進士知興國平盜有功簽書建康以能辦諸軍事臺諫交薦得應廷對力陳諸將之失識者躋之

郡志一統志

洪友成字士源樂平人宰興國邑旱以蠲賦八分請守拒不聽友成納印徑去守慙貽書勉留入爲審計司遷

大理寺丞因奏對援師說俾縣令與丞尉同訊獄梁成大詆爲迂濶友成不爲屈尋以親老丐郡得衡改瑞簡易爲政州人便之通志

按郡縣舊志秩官無洪友成名今從廣信人物志增入友成以邑早故請蠲賦八分其有德於興氏甚厚是不可沒也蔣志

李進字野翁崇仁人淳祐二年進士知興國其自狀有曰予腐於材而作縣所臨之俗悍獷難馴值世故戕焚而繩墨粗守後爲建康府提領當革命隱居澗谷種瓜植菊以終身虞邵菴稱其詩兼簡齋放翁蒼山東林之

興國縣志

卷二十二

名宦

十四

長著澗谷居媿稿參通志撫州府志志林

元

陳文彬失其名文彬其字也清江人尹興國順帝至正戊戌僞漢將幸文才贛叛將明志高等既陷贛遣兵窺興國文彬初蒞事率民固守凡再却之城以全癸卯乃繕墉堞爲保障計浚城之隍疏水環焉門有五舊無甕城至是始備其制置樓以便守望環城復爲列屋四百六十餘間累歲乃畢文廟講堂圮文彬重庀之建尊經閣以皮羣書又創泮水池亭於樛星之南爲廩屋若干楹斥學東之隙地置僦屋若干人僦錢以爲養士資於

縣西一里三台山築旌陽道院祀許仙與全真方邱生  
遊建長春道院居之三檀寺燬於兵倡率修復興文講  
學拊循恬熙民不知為喪亂之世志林  
明

朱克敬洪武初志林作至正末知興國當大兵之後邑常賦七

千加以屯田雜賦民不堪命克敬上其事於府若總制

不得允則率吏民伏庭下泣訴當道感其誠與之申達

且俾緩征俟命未幾命下百姓額手相賀乞陳聘君謨

作申免倍徵序以頌其德贛郡謝志

張尙瑗曰唐希臯題名碑記謂文彬永樂中任而贛

興國縣志 卷二十二 名宦 五

府志表因之興邑志表則附於洪武末年今考槎翁

寓興在辛丑壬寅癸卯三年乃至正二十一二三年

也文彬作尹正在此時修城記稱歲癸卯時序鑿鑿

儒學記又溯其下車之初四郊告警則與十八年贛

州陷寇焚掠延於興邑之書約畧相符矣從此而甲

辰乙巳當海桑避地之時為朱侯克敬序申免倍徵

又適應其候克敬邑志闕書郡志列名宦傳錄免徵

請命之事次之洪武初年亦未核海桑寓興年月之

故槎翁海桑高帝龍飛即皆被命彤廷不復江湖落

魄陳朱二尹跼轅棲枳時不我須稍自奮其羽毛筋

骨幸以都亭故人文酒唱酬藉不朽於青雲之士修城記云陳侯字文彬詩中屢稱邑令文彬知其字而非名矣朱尹之以倍徵丐免也序旣云章貢皆然與邑何以獨請而得所云當道亦不知何人且旣咨嗟於朱令之賢何不抗章九閭徧澤南土海桑之文頗難徵信鳳渚方伯亟登之郡乘而予今日更喜而錄之語云美言可市展雲漢圖於朔風四座温如挾纊可也

按永樂中知縣陳文彬與至正間陳字文彬者或是兩人未便以題名碑及贛郡謝志爲誤也文彬於至

興國縣志

卷二十二

名宦

六

正癸卯修城越明年甲辰爲明吳元年知縣事者賈思復陳謨所撰修孔廟碑記可證志林乃謂甲辰乙巳當海桑避地之時爲朱侯克敬作申免倍徵序遂以克敬爲至正末任列於陳文彬之後賈思復之前且以楊吳南唐割據章貢間歲倍取之民不堪命得朱侯泣訴當道始得申達似竟誤解海桑語意竊嘗就海桑序文考之所謂自淮蔡亂二十年東南耗竭者蓋謂劉福通徐壽輝等起兵處卽古淮蔡地也所謂力相十而霸權相百而君更起倏謝無康歲者蓋指張士誠陳友諒等之割據一方也所謂章貢歲取



加倍之賦勿恤其民者蓋謂僞漢未據贛以前元從而倍徵之既據贛以後僞漢又從而倍徵之也所謂建業兵蹙其城者時明太祖都於金陵遣偏師平贛故曰建業兵也所謂收其圖籍而倍徵之賦與額無辨徵入急於星火者謂明初催徵尙沿元季也一篇之中無非指切時事若謂南唐時倍徵歷宋三百年至元之季世始得丐免無此情理宜其以海桑之文爲不足徵信矣贛郡謝志謂百姓額手相慶乞陳聘君謨作序旣稱聘君其在洪武改元之後更無可疑又劉徐倡亂至洪武庚戌乃得二十年安見海桑此

興國縣志

卷二十二

名宦

七

序必作於甲辰乙巳寓興之年耶茲從贛郡謝志以克敬爲洪武初任仍錄志林舊說而附論之如此

將志

高明達字用可浙江金華人由人材洪武辛未抵任廉謙公怨民不見擾終於官至今懷思之

袁志

雷祖述湖廣藍山人宣德初知縣事政得民心九載代去遺愛存焉

袁志

伍善湖廣廣濟人由人材宣德間來宰明政刑均徭役興廢舉墜甚得民心

袁志

郭毅南直隸壽州人由監生天順甲申來尹剛明廉介鋤強濟弱蒞政親民利亦溥矣

袁志

張尙瑗曰高雷伍郭四賢在興未嘗有赫赫奇績明  
初綜覈望實吏治蒸蒸諸君奉法順流與民休息亦  
足見太和宇宙矣蔡黃二志泯焉無紀依袁廣文所  
錄不敢增損而附之以論

袁天騏廣東東莞人舉人成化末署興國教諭博學善  
屬文長於考據與邑人鍾觀編輯縣志山川名蹟人物  
典故皆以實書無文飾臆說爲書五卷又嘗與修會昌

縣志

林志

黃泗福建福清人正德中由鄉舉知縣事先是歲庚午  
劇賊鍾仕錦何積玉騷動江廣間支黨掠興國七月燬

興國縣志

卷二十二

名宦

六

城火二日不滅泗來值焚蕩之餘民日夜相恐寇且至  
乃募壯丁守城沿城置警舖二十四以處之城舊五門  
因備寇塞其一至是復啟之建樓其上城壞輒繕完重  
構文廟兩廡增設東西齋號舍而按追田塘之侵蝕者  
以贍學毀諸淫祀斥其材改建三程祠移安湖書院於  
學宮時王文成公守仁方撫虔判其牒而深嘉之唐文  
襄公龍視學江西亦亟獎其賢

林志

林萬潮字養晦福建莆田人嘉靖戊戌進士補贛州推  
官謙冲周慎不以喜怒加人斷獄務求其生攝興國重  
建安湖書院聚諸生課業其中信豐大水奉檄往賑冒

溽暑乘肩輿泥行村塢中計口給授凡活數千人竟以病卒官囊無一錢贛郡謝志

按重建安湖書院羅洪先有記載藝文舊志官師未列其名特為增入蔣志

曾士亮字開士廬陵人舉人萬歷二十三年任教諭早擅才名潛心理學端士習振文風諸生中有貧不能就學者輒捐俸給之陞夏邑知縣參蔡志贛郡謝志

薛雲綬福建福清人監生萬歷二十七年任縣丞條陳屯軍害民縣令何應彪轉請虔撫李汝華立石垂禁佃戶聊生者二十餘年其議有云持鉢兩之糧欲席卷數

興國縣志

卷二十二

名宦

九

十畝之熟田執衛所之票能寢閣諸上司之明文陽以作弊之言濺及書役陰以告害之說搖夫職官愷切曉暢洞中數百年後弊源非冗散所能言也雲綬為葉相國向高門下士故識論錚錚若此蔡志志林

陳治安字元晏浙江會稽人崇禎辛未由舉人知縣事端方廉潔遇水旱祈禱齋宿於城隍廟無不立應壬申三月流寇逼縣治安禱得吉夢慰百姓無恐賊果不敢犯巡方臨贛不赴考察巡方怒曰爾以廉慢上乎黜之怡然而去其剛直恬淡類如此黃志

國朝

李若垠字電之宛平人初爲南贛巡撫軍門守備順治已丑巡撫劉武元檄使署縣事遣副將鮑虎率兵二千俱行時興國曠年無令諸寨烟兵盤踞假名義師城之腹背遠近無非賊巢若垠至則與虎擊逆賊宋朝宗於金斗山朝宗退至瀧下水迫窘請降擒之沉於水虎旋攜所部歸贛若垠依保甲法設練總計烟戶多寡募鄉勇親訓練之衆皆奮勇効命叛寇王大勇擁衆謀奪城戰於北關大教場伏兵夾擊大破之擒馘數百人諸寨膽落或乞撫或逃匿解散殆盡若垠技擊嫻熟又雅好文翰數延接儒士問民疾苦興革皆合時宜後署任雲

興國縣志

卷二十二

名宦

三

都罷歸興民懷其德以長令事之稱賢父母焉

志林

趙夢仁字卜生河南新鄭人順治辛卯以進士知縣事邑中兵燹之後絃歌不聞夢仁立意振興文教諸生匿不赴試召之庭飲以酒論文藝津津由是士知嚮學田畝荒蕪募民墾闢瘡痍漸有起色不二載以憂去士民念之不置

黃志  
志林

黃之麟字瑞白江南宿松人順治十一年授興國令縣界閩粵久爲賊踞之麟招降賊王大勇滅賊孫可貴勦梅窖賊會拱宸等墾田糧二千八百有奇士民作十頌

志之

江南通志  
江西通志

錢志潤浙江山陰人康熙十一年由吏員授興國尉平易近人而有任事應變之能十三年督鄉勇隨大兵進勦崖石因調給糧糗途遇賊兵少不敵遂罹賊刃士民聞之莫不相對涕泣當道上其事廕一子經歷黃志

張尙瑗字宏邁號損持吳江人康熙戊辰進士授庶常甲申出爲興國令值邑荒稔經營賑濟按戶給糶常平穀盡乃勸富戶出粟施粥於治平觀以濟饑者活數千人修城池葺譙樓建明倫堂及社稷山川壇費出不貲半由捐俸輯澱水志林澱江古蹟記及贛州府志徵据博雅時文風委靡士子家祇趨時藝尙瑗以詩古課士

興國縣志

卷二十二

名宦

三

親爲講貫至今邑之言古學者猶稱張太史云五十四年以憂去孔志贛郡方志

金履寬字敬敷號容齋貴州平越府湄潭人雍正甲辰進士丁未知興國愛民如子決獄平允邑境肅清尤加意作人立義學勤考課詳撥公項田租二十四石并公地稅銀爲山長脩脯後調會昌士民攀援流涕如失慈父母焉孔志

徐大坤字望南湖北大冶人以選貢試署定南乾隆二年調興國四年十二月赴京五年六月復任負才氣判決立就遷官修尊經閣建魁星閣創設澱江書院士

氣蒸蒸日上起色蒞任三年興利除弊境內肅清後調吉水陞瑞州府同知孔志

孔興浙字晴江浙江錢塘人副貢乾隆庚午署任寬而有制抵任數月案無留牘定書院學規六條詳撥公項田租爲諸生膏火又手寫四箴勒石於堂士風丕變奉制府檄重修邑志於康熙五十一年至乾隆十五年以前事搜錄靡遺明年正月調靖安士民思之設位於漱江書院以誌遺愛補志

鄧蔚林字暢亭陝西三原人舉人中明通榜進士乾隆二十三年任器識宏達寬猛得體禁淫祀抑豪強杜干

興國縣志

卷二十二

名宦

三

謁嚴戢胥吏聽訟獄是非立判事關名節必委曲保全先是邑有公捐崇儒戶租前令多移充公用蔚林爲請詳上憲悉歸諸書院擴充師生脩火兼作賓興卷賢又以餘羨增置田畝酌立章程俾共遵守每公出輒過院詢諸生課業講學論文無許一人託故不見士習多所造就邑數被水創建龍神廟自爲之記城隍廟圯捐俸修之三十五年四月陞九江同知去之日士民遮道相送望舟行已遠咸歎息泣下至今人猶思之補志

劉雨田貴州人興國典史初署衣錦司巡檢性洒落好親文士喜爲詩能琴尤工技擊爲典史視盜如仇縣獲

盜刑或稍寬必稟請自治曰吾捕官責也有劇盜劉仔  
兒人莫敢捕甫田夜率健役往圍其居盜揮刀相格甫  
田手鏑折其臂以歸置之獄數日斃境內肅然據府志  
新增  
沈衍慶號槐鄉安徽石埭人道光乙未進士授興國令  
甫至人以年少初任爲疑及蒞事興利除害摘姦抉覆  
雖老吏不逮也邑有猾衿其險而辯公事每多把持衍  
慶因事痛責人謂必深銜之既出乃語人曰此神君也  
責我我知罪矣遂斂跡不出在任九月飲冰自矢不名  
一錢稍因公挪用庫帑卸事後交代不清頗爲後任所  
持時適丁外艱民攜鏹致賻不避風雨絡繹不絕數日

興國縣志

卷二十二

各宦

三

得四千餘緡以償遂去後至者猶以不及賻爲憾服闋  
歷任泰和鄱陽皆卓著循聲其在鄱陽捐軀殉城忠義  
尤烈多能言其事者茲不贅增

潘安國號雲槎雲南蒙化廳舉人由訓導擢興國令甫  
抵任議興織紉修學校及禁剪薙山林以免沙壅溪決  
值軍興未及歲事咸豐三年逆匪撲城勢張甚先是安  
國聞寇警預治城賊攻不卽下乃請邑紳韓進春等共  
謀戰守恐眾志不固先作絕命詞以示必死適鄉間田  
勇大集遂屬進春縋城出會突衝賊營殲之五年賊復  
攻城安國趣諭田勇來援合官兵要擊賊盡潰自是彌

年鄰寇環窺不敢入境事平累升九江知府畱任興國  
卒於官增

興國縣志

卷三十一

名宦

三十四